

տակաւին անդ 3 մեծամեծ խաղիւնքն 'ի նշան առատա-
սիրտ գթութեան նորին :

Այլ վասն Յակոբայ առաքելոյն եղբօր Տեառն , գրէ
Յովսեպոս Եբրայեցի այսպէս . « Հրէայք իբրեւ գիտացին
եթէ 'ի դերեւ ելին նենգաւոր խորհուրդք իւրեանց վասն
Պօղոսի , դարձան 'ի վերայ Յակոբայ արդարոյն » : Եւ թէ ,
« Անանոս քահանայապետ Սաղուկեցի դաեալ սլարապ յա-
ռաջ քան զգալուստ Աղբենեայ դատաւորի յաջորդին Փե-
տոսի , ատեան կարգեալ ժողովրդեանն ամբաստան եղեւ
զՅակոբայ , և մատնեաց զնա 'ի դատաստան մահու (62) :
Բայց Կղեմէնտոս և Հեղեսիսպոս առ Եւսեբեայ , որոց բա-
նից համաձայն են Յայսմաւուրք , Ճառնաւորք և վարք Սըր-
բոց , այսպիսի օրինակաւ սլատմեն զնահատակութիւն ար-
դարոյն : Կալեալ դպրաց եւ փարիսեցւոց զՅակոբոս , ըստ
խրատու քահանայապետին , ասեն ցնա՝ աղաչեմք զքեզ տէր ,
եւ կաց 'ի վերայ աշտարակի տաճարին զի եղիցիս երեւելի
'ի վերուստ և եղիցին բանք քո լսելի ամենայն ժողովր-
դեանդ . զի վասն զատկին եկեալ էին ամենայն տոհմքն
Իսրայէլի , և հեթանոսք ընդ նոսա : Հանին կոցուցին զնա
'ի վերայ աշտարակի տաճարին աղաղակեցին և ասեն ցնա ,
Ո՛վ արդար , ասա՛ մեզ , ո՞ր դուռն է խաչեցելոյն Յիսու-
սի : Պատասխանի ետ 'ի ձայն բարձր բարբառոյ եւ ասէ .
Զի՞հարցանէք դուք զիս վասն Որդւոյ մարդոյ , նա աւա-
նիկ նստի յերկինս ընդ աջմէ զօրութեան մեծի , եւ հան-
դերձեալ է գալ ընդ ամպս երկնից : Բազումք 'ի լսողաց
ասէին օրհնութիւնն Որդւոյ Դաւթի : Իսկ դպիրք և փարի-
սեցիք ասէին՝ չարիս գործեցաք , զի տուաք տալ Յակո-
բայ վասն Յիսուսի զայսպիսի վկայութիւնս : Ելին այնու-
հետեւ և արկին զնա 'ի վերուստ 'ի վայր , և սկսան քար-
կոծել . եւ նորա ծունր եղեալ աղօթէր . Տէր , թող դոցա
զի ոչ գիտեն զինչ գործեն . և մի ոմն 'ի նոցանէ էառ զտո-
փանն թափչի և եհար զգլուխ արդարոյն . և այնպէս վկա-
յութեամբ կատարեցաւ երանելին Յակոբոս (63) . կացեալ
յեպիսկոպոսութեան ամս իբրեւ 30 : Սա 'ի կենդանու-
թեան իւրում դրեաց զթուղթն Կաթուղիկեայց լի շնոր-
հօք Հոգւոյն Սրբոյ :

Այլ վասն գերեզմանի և սլատուական նշխարաց արդարոյն